



Silver jubilee lawm nan cheng maktaduai 1.3 ruahman

Chanmari West, 07th April: Silver Jubilee Fund Rising Committee-in rawtna a siam angin Chanmari West Branch YMA Executive Committee chuan a pawmpui a, hemi pual hian kumin leh nakkum chhungin cheng maktaduai 1.3 hmuh tura ruahman a ni.

Section tinin 2013 leh 2014 chhungin ₹ 10,000 ve ve an chhun luh a ngai dawn a, hemi atang hian ₹ 1,00,000 lut tura ruahman niin, YMA member-ten kum hnih chhungin kum khatah ₹ 20 zel thawhin ₹ 1,00,000 tling khawm thei tura ngaih a ni bawk.

Chhungkaw 1000 hnen atangin kum hnih chhungin ₹ 4,00,000 lut tura ruahman a ni bawk a, chhungkaw tinin 2013 ang bawkin 2014-ah pawh ₹ 200 zel an thawh a ngai dawn. Jubilee pual hian inhlawhna atangin ₹ 6,00,000 hmu tura beisei a ni a, kumin leh kum tharah ₹ 3,00,000 ve ve thawk chhuak thei tura ruahman a ni.

Branch sum atangin kuminah ₹ 20,000 kum tharah ₹ 30,000 sawh hek a ni ang a, thil dang atangin ₹ 50,000 tuak chhuah tura ngaih ni bawkin kuminah ₹ 10,000 dah a nih lain kum tharah ₹ 40,000 thawh chhuah a ngai dawn.

Ninga zana Vice President Pu T Ngurkhuma ina Brach Executive Committee thukhawm chuan jubilee puala sum hmuh tur ruahman sa a pawm bakah tul dang pawimawh chi hrang hrang

a rel bawk a. YMA Zawlbuk chhuat leh bang plaster bakah Electric wiring tihthat nise tih a ni a, Work Supervisor atan Pu R Lalmalsawma Executive member chu ruat a ni. Mizoram Rural Bank-in Zirlai sponsor tur zawng tura min tih angin Lallawmpuii d/o Lalrinmawia N-sect chu thlan a ni.

YMA Park chei that chungchang pawh sawi ho a ni a, Park hungna tur leh thing phun turte Forest Dept. ah dil nise tih a ni bawk. Ni 10.4.2013-a CCC Meeting, CYMA Hall-a neih turah kan Branch aiawha tel turin Secretary Tv Zairemmawia ruat a ni.

February 1, 1990 khan Chanmari atangin Chanmari West YMA a indang a, 2000 khan ropui takin kum 10 kan tlin lawm a ni tawh a. Tunah hian kum 25 tling turin kum hnih pawh a awm tawh lo va, a theih ang angin inbuatsaihna kalpui chhoh mek a ni a, kumin hian Silver Jubilee committee din a nih bakah hemi puala sum ngaihtuahtu tur Fund Raising Committee din a ni bawk a, ropui taka a lawmna buatsaih a nih theih nan theihtawp chhuahin hma an la mek a ni.

SILVER JUBILEE ATANA SUM HMUH DAN TUR RUAHMAN

Hmuhna tur	2013	2014	Total
Section budget	10000x5 = 50000	10,000x5 = 50,000	1,00,000
YMA member (2500)	20x2500 = 50000	20x2,500 = 50,000	1,00,000
Chhungkaw (1000)	200x1000 = 200000	200x1000 = 200000	4,00,000
Inhlawhna	3,00,000	3,00,000	6,00,000
Branch sum	20,000	30,000	50,000
Thil dang atangin	10,000	40,000	50,000
GRAND TOTAL	6,30,000	6,70,000	1,30,000

Branch News

Ni 4.4.2013 (Ninga) zan khawharin lenkhawm ban khan Executive Meeting that a ni.

Ni 1.4.2013 (Thawhtanni) a Edenthar veng in kang tanpui nan ₹ 2000/- Branch hminga hlan a ni.

Pi Theithini, Neuva Section Aizawl Civil Hospiatal-a awm chu Branch hmingin ₹ 2000/-a kan a ni.

Pu R. Thanga T-Sect. te chuan an fapa Andrew Biakmawia hriatreng nan Branch YMA-ah Khawhar Hla Bu 10 an rawn pe a, an chungah Branch YMA-in lawmthu a sawi.

Branch Executive Member Pu J Lalnangliana Shillong-a zin leh Pu Lalthanruma Kolkata-a zin te dam taka an lo haw leh thuai an duh.

Branch OB i/c

April-June thla chhunga Branch OB te Section-a an i/c na tur hetiang hian siam a ni.

- Vice President : K Section
- Secretary : V Section
- Assistant Secretary : T Section
- Treasurer : CH Section
- Finance Secretary : N Section

Awmthar

Pu K Lalromawia te chhung member pa 5, Chaltlang North Aizawl atangin Pu K Labanga in, K-Section-ah.

Pem

Pu PC Lalsanga te chhung member pa 6, YMA Run Vanapa Section atangin Phunchawngah.



TUNKAR CHANGVAWN

Tin, ka hrilh a che u, mite hmaa mi tan apiang Pathian vantirhkohte hmaah Mihring fapain a tan ve ang. Nimahsela, mite hmaa mi phat chu Pathian vantirhkohte hmaah phat a ni ve ang.

Luka 12:8&9

Editorial Board

Editor:	R. Lalrinnggheta	9862358337
Joint Editor :	Lalchhandama	9862358347
	J.Lalnangliana	9862399658
News Editor :	Thangkhuma	9862303135
	Lalchhuanmawia	9862580558
	K. Lalremtluanga	9862119608
Cir.Manager :	Jacob Lalrinsanga	9612319779
Production Manager :	T. Ngurkhuma	9436190843

Branch Office Bearer

President	<u>C. Lalzarliana</u>	9436142049
Vice President	T. Ngurkhuma	9436190843
Secretary	Zairemmawia	9862385654
Asst. Secretary	RL. Thanhnuna	9436152760
Treasurer	R. Lalmachhuana	9436151817
Fin.Secretary	K. Darthantluanga	9436196071
Adviser-te :	Pu F. Zosanga	9436142106
	Pu A. Biaklawma	9436363169
	Pu Lalrengpuia Sailo	9862075614

Editorial :

"Chakai sa, sa ni suh; Hmeichhe thu, thu ni suh" an lo ti thin a, hei hian hmeichhiate ngaihniamna a lantir Chiang viau awm e.

Chutih rual chuan, kan veng chhunga Chanmari West Branch MHIP-te thuchhuah, "Ka tar hunin" tih thuziak hian ngaihtuahna a tithui hle mai. Thalai tam tak, nu leh pate enkawl na kawnga mit tling lo tam tak kan awm thei awm e.

Nu leh pa, kum upa zawkte thawh chhuahsain kan inchhekarbawm a, nu leh pate zahna chang hre miah lo leh harhfm mang loin, awka vin leh hmaisen te kan han hmuh zet hi chuan nu leh pate hlutna kan hrethiam phak lo tih a tilang Chiang hle mai. Hetiang mite hian Pathian malsawmna an dawng ngai lo tih hi hriat a tha.

Kan Pathian thu chuan nu leh pa leh kum upa zawkte zah tur tiin min zirtir a. Kan fin zawk leh kan chak zawk veng ngawta aia upate hnuachhiah tur kan ni lo tih hi i hre thar leh ang u. Aia upate zah thiam hi kan Zonun zemawi tak a ni a, kan Ram leh Hnam Humhalhna kawnga thalaite tih tur pakhat a ni. Thawk chhuak thei tura min enkawl seilian tute chu tu dang ni lovin kan nu leh pate hi an ni si a.

Hemi kawngah hian nu leh pate ngei pawh hian mawh kan phur. Kan fate kan zirtir loh chuan kan chungah a lo tla leh nge nge thin tih hriaiin, chhngkuaah inzirtir sauh sauh ang u. Chu chuan kan hnam nun a timawi a, chenko a tinuam thin. Aia upate zahna chang hre lo tu chu a aia naupangte'n an zah ngai bik lo. Mi dangte zah thiam a piang hian zah an hlawh fo.

Article:

Tv. James Lalchhuanthanga

- R. Lalchhuanawma

A vanglai hun tha zawng zawng Chanmari/Chanmari West-a hmang zo tu, Tv James Lalchhuanthanga hi/kha Ni 10.12.1931 ah Tuahzawl khuaah a piang a, tunlai thangthar zingah amah hre lo kan awm nual tawh ang a! Ani aia inti Chanmari West mihring thlang dawn ta ila thlan tur an vang viau mai thei a ni.. Chanmari West pian hma khan Upa Lalhrangluaia In leh Pu Ngurawia te In, Chanmari khi a khawsak tamna hmun a ni thin a, Pu Dinpuia Sailo of Chanmari te khian a chanchin sawi tur an ngah khawp ang, sawi duh ngat sela chuan, Chanmari lama a khawsaklai hun chu sawi rih lo mai ang.

Zankhat chu, ti ngawt teh ang, Thang hming a hriat zawng kan sawi tir alawm mawle, Thangchep, Thangthleng, Sahdal tih vel a sawi nual hnu ah - A ngul, a tepchho, a valh te a ti vel ta mai mai a. Isua zirtirte 12 te hming an sawi tak tak mai phei chu-Matthaia, Marka, Luka, Ruthi, Marthii etc te sawi chho zel in 18 vel zet sawi tur a hre thin.

Kan kohhran indan tih chhoh vel lai- 1985 khan kum 54 mi vel a ni tawh a, zaipawlah a tenor ngat a sa thin a, rin ai takin a sa dik phian thin. Radio-a KTP in hla kan thun pawhin tenor ngat a sa thin a, Pu Lianchhuna'n sa zawi deuh tura a khaplaite mitthlaah a lang uar uar mai. Pu Lianchhuna Solfa vai dan phei chu zir thiam tak a ni

Kan Branch KTP chanchinbu leh YMA AW veng danga pu darhtu ber a ni a, copy 20 vel hi Ja-mesa (ka koh dan) pual liau liau in kan siam chuang thin a, sem tur a neih tlem deuh chuan a vui nasa thei thin hle.

Transport Department-ah IV Grade hna a thawk thin a, kum 2010 khan superannuation in a pension tawh nghe nghe. A pension hma daih a tanga Ashma natna vei a ni a, khuh bawrh bawrh chungin a tih tur nia a ngaih chu a thulh ngai chuang lo.

Sande Sikul lamah hlei hlei a tangkai, a that deuh lai kha chuan Sande Sikul (Presbyterian kohhran) hming lamna lakkhawm a, Sande Sikul Secretary-te hnena dah kha a tih tur liau liau ah a ngai nghet tlat thin.

A pension hnuah amah enkawl tu ber a farnu Pi Rintluangi chu Stroke vangin ramtuileiloin a awm ta si a, hun



engemawchen Kawnpui lamah a zu awm renrawn a, enkawl tu mumal awm ta lo chu Tar chawmna In 'Old Aged Home' Social Welfare Deptt enkawl, Luangmual Complex, High Court bul lawkah dah ani ta nghe nghe a. Hman deuh lawk khan kan zu tlawh a, a mit leh beng lam a tha tawh lovin kei, a vuivaina thlen ve na ber pawh mi lo hre mumal tawh lova, a lainatawm hle. Kawng lehlamah chuan a awmpui dangte aiin tlawh/kantu a ngah hle tih thawktu te ka a tanga in kan hria a, a lawmawm khawp mai. He khawvelah hun rei zawk min la dampui turin duhsakna ka hlan nghal e.

YMA hruaitute changrel sual ngai lo chuan ngaihtuahna fim, fing tak leh Pa chan chang takin zankhat mitchhin pawh lo tawk palh ta se, Chanmari West Branch YMA chuan YMA VIP a nihna hre rengin Tv James-a ruang hlawm a, ropui taka thlahliam turin an inpeihlap niin kan lo hria a, a thlamuan thlakin a ropui takzet a ni.

Chawngbawla Section

□ Ni 30.3.2013 (Inrinni) nileng khan sumtuak nan New Horizon School thawmthat hnatlang neih a ni a, member thahnem tak an thawkchhuak. Bungraw phurh khawm nana motor phal taka hmantirtu Pu T.C. Lalhmangaiha chungah an lawm hle.

□ Ni 11.4.2013(Ningani) khian an hruaitu hlui Pro. Pastor Lalhmunmawia Pachuau chuan nupui a nei dawn a, an lawmpui hle.

□ Ni 6.4.2013 (Inrinni) nileng khan sumtuak hnatlang member pum huap neih leh a ni a, member thahnem tak an thawkchhuak.

□ Vengchungah chhiat kan tawking malh malh hle mai a, member te khawhar in kal, thlanlahnaah te fan la thar zel turin an in chah.

□ Hun remchang hmasa berah section member intihhlim nan football khelh tum a ni

□ In luahtur nei te'n Pem Lehkha dik tak nei lo chu in luahtir lo turin an in ngen nawn leh e.

Khuangchera Section

□ Ni 1.4.2013 (Thawhtan) zing kar khan Pu Zonunsanga (Pate-a) te Inah meeting pawimawh tak an nei.

□ Hruaitute a ranglama Electric Bill leh Tui Bill khawnte tifel thuai turin an inchah.

□ Central Road pheiah Vantlang Zun In siamna tur hmun an zawng mek a, hmun remchang hria chuan YMA hruaitute kamkeu tura sawm an ni e.

□ Hun remchang hmasa berah YMA chhangtan faina hnatlang neih tum a ni.

□ Local Council-te hmalaknain veng chungah bawlhhlawh, ruah surin hnawl a len thlakte paih fai thuai a ni chu an lawm hle.

□ An Fin. Secy Pu Patea pawh tunlai chu a nui var tha thei hle!

Neuva Section

□ Ni 9.4.2013 (Thawhle) zan hian section Meeting neih an tum.

□ Sumtuakna atana blanket suk tirtu zawng zawngte chungah lawmthu an sawi a, Tui Trip khat pe tu Pu S.Lalsangliana leh Sawhchiar bawlhlo tumsaktu Pu Lalthanhrila te chungah Committee chuan lawmthu a sawi.

□ An section hruaitu hlun Pu K.Lalzuithanga te chungkuain

Durtlang lama an pemsan tur chu an ui hle, an awmna lamah khawtlang tana mi tangkai tak a nih chhonzawm zel an beisei.

□ In luah tur neiten pem lehkha mumal nei lo chu luahtir lo turin an in hriattir.

□ Section huamchhung kawr thenkhat te siam mek a ni a, bawlhhlawh paih thin leh Septic-tank mumal lo te'n harsatna an siam thin a, fimkhur deuh turin an ngen.

□ Vengchungah chhiattawkan awmin mitthi lumen, Khawhar in kal leh thlanlah te hi YMA member tih tur a ni tih hriain fan la thar sauh sauh turin an inchah.

□ Chhiatni Fund leh YMA AW man la pe fel lote'n a rang lama ti fel turin an inngen.

Taitesena Section

□ An hruaitu Pu RK Rozidinga leh Pu C Zohmingliana te chhungkaw thila zin pawh dam takin an lo haw leh ta.

□ Tunkar hun remchang hmasaah Committee neih tum a ni a, hruaitute hunawl lo insiam turin an hriattir.

□ Pu Sapa in bul tuilunkawra bawlhhlawh paih thinte paih tawh lo turin an hriattir.

□ Chhiatni Fund leh YMA AW man la pe fel lote'n a rang lama ti fel turin an inngen.

□ In luah tur neite'n pem lehkha mumal nei lo chu luahtir lo turin an in hriattir.

□ YMA member-a la inpe lo te, engtiklai pawhin hruaitute hnenah a inpek theih reng a ni.

□ Local Council hmalaknaa section chungah bawlhhlawh Bag 10 lai mai paih a nih bakah tuilunkawra te tihfai a nih vangin Local council chungah an lawm hle.

Vanapa Section

□ Ni 5.4.2013 zan khan OB Meeting neih a ni a, thu hmanhmawh thlak zualte ngaihtuahin an rel.

□ An hruaitu Nl. Zoar Lalrammawii'n Zuangtui lama pasal a neihsan chu an ui viau rualin an lawmpui hle.

□ An hruaitu Nl Lalnunhlui Renthlei, a pain a boralsan chu an tuarpuiin Pathianin a awmpui zel an duhsak.

Kan Then Tak

Pu R Lalremsiama (Kum 45), Pa hming-
Upa Lalhuma
Renthlei (L), Nu
hming-Chawikungi
(L). Pianpui unau
mipa 1 leh hmeichhia 3 a nei. Kum
1991-ah Lalzawmi (Seni) nen an
innei a, fanu 3 leh tu 1 an nei. Zirna
lamah BA a zova, NCC lamah pawh
certificate "C" grade hial a nei. Kum
1997-ah Excise & Narcotics Dept-
ah Sub-inspector-in a lut a. A hun
hma lamah Sande Sikul zirtirtu te,
KTP leh Bial Zaipawl rawngbawlna
thlengin a lo chelh tawh a ni. Kumin
March thla atang khan Mitliam
natna a nei tih hmuhchhuah a ni a.
Ni 4.4.2013 (Ninga) zing dar 5:45-
ah a boral.



Pu Kiangthuama
Kiangte (Kum 104),
Pa hming-
Su a k t h a w m a
Kiangte (L), Nu
hming-Zachhingi
Kiangte (L).



Pianpui unau mipa 6 a nei. Kum
1928-ah Lalhnuaai nen an innei
a, fapa 3 leh fanu 3 an nei. Sakhuana
lamah chuan Presbyterian-ah Tual
Upa rawngbawlna thleng a chelh.
Khawtlangah pawh a tangkai thei
hle. Sesawnga an awmlaiin Village
Council member-ah hun
engemawchen a tel. Mi taima tak a
ni a, kum 100 a nih thlengin a phak
tawkah in chung tan a tangkai hle.
Tu leh fa 150 aia tam a nei, khup li
hial a hmu. Ni 2.2.2013 (Thawhle)
zing dar 11:50-ah a boral.

□ An hruaitu Tv Zohmingliana
Tlau leh Pu Zonunthara te chu Tv
Zohminga pa boral vangin
E.Lungdar lamah an thang mek a,
dam taka an lo haw leh ngei an
duhsak.

□ An member Pi Juliet Lalengkimi
damlo pawh dam takin damdawiin
atangin a lo chhuak leh ta.

□ YMA Run luahtute an chhuah tak
avangin a luah duh tan dil theih a ni.

□ Ni 9.4.2013 zanah Section Com-
mittee neih tum a ni a, hruaitute hun
awl lo insiam theuh turin an inngen.

□ Pu T Zorampela, a pa Rev Dr
Zokima'n a boralsan chu an
tawrhpu hle.

LOCAL COUNCIL

□ Ward Councillor, Pi Zamanthangi hmalaknain, bawlhhlawh paihna bill chungchang a harsatna an tawhte tihfel a ni a, an lawm hle.

□ Ui leh Ar thlahdah taka chhuah thin ten chhuah tawh lo turin an hriatnawn tir.

□ Ni 4.4.2013 zana ruah surin kawrpui thenkhat, bawlhhlawh paih ten a hnawh avanga kawngpuia bawlhhlawh a len chhuahte Local Council hmalaknain paih fai a ni.

□ PHE Dept. te nen kawrpui thenkhat siam tha tura measurement an lak te, tunah hian contractor ten hma lain siam mek a ni a, bawlhhlawh paih leh septic tank leak-ahte fimkhur leh zual turin mipuite an ngen.

□ Inter Village Volleyball neih zawh takah Local Council team ten Semi-Final an thleng chu an lawm hle a, Players te chungah Local Council chuan lawmthu an sawi.

□ An member Secretary Pu C. Lalmuanpuia fapa damlo Nazareth Hospital a awm mek chu dam taka a rawn chhuah thuai an duhsak hle.

Property Sub-Committee

□ Ni 29.3.2013 (Friday) tlai dar 3 khan Tv Vanlalnghaka (CH-sec) te inah Committee an nei.

□ Ni 31.3.2013 (Inrinni) zingkar khan park thing te rawng hnawih leh mike siam a hnatlang neih a ni.

MHIP

Ni 8.4.2013 (Thawhtan) zan dar 7:00 hian MHIP Building-ah Executive Meeting pawimawh tak koh a ni a, member-te kal vek tur a ni e. Kohna dang siam a ni lova, hei hi kohnaah ngaih tur a ni.

CWSC

□ Hun remchang hmasa berah Executive Committee koh an tum.

□ 2012-2013-ah 1st Division Club zingah Point sang ber dawttu an nih avangin MPL Playoff khel turin an qualify.

SIPAI LAK RUNPUI

May ni 7-11 chhung hian Rajiv Gandhi Stadium (Mualpui)-ah sipai chi hrang hrang (GD, Clerk/Store keeper, Technical, Nursing Asst., Defence Security Corps) lak a ni dawn a, thalai kum 17-50 inkar tan ngaihven theih a ni e. Hrechiang duh chuan YMA AW Editor hnenah zawhfiah theih a ni e.

BADMINTON

□ Ni 3.4.2013 (Nilaini) khan Pu K. Lalzuithanga, Secretary, Durtlanga insawn tur thlah pahin Committee an nei a, chawhlui buatsaih saktu Pu Zuia te nupa chungah lawm thu an sawi.

□ An Adviser Pu HVL Zarzoenga foreign-a zin chuan member-te banbun tha tak a rawn hawn a, an lawm hle.

□ Ni 12.4.2013 (zirtawpni) chhun dar 1-ah an hruaitu Tv. J. Lalremruata'n nupui a nei dawn a, hruaitute leh member ten tawiaawm vek turin an insawm.

ZOFA

Veng chhung mi, thalai, a duh apiang tan Mizo Hnam Lam zirna hun an buatsaih mek a; thalai, a tam thei ang berin zir turin an insawm.

DISTRICT MAGISTRATE THU CHHUAK

1) Sa zuar/ sa ser turte chuan ran thianghlim lo an ser tur a ni lo.

2) Vawk talh tur chuan Local Council/ Village Council leh Vety Dept. Doctor-te hriatpuina an nei ngei tur a ni a, a hrisel ngei a ni tih fiahna certificate an nei bawk tur a ni.

3) Vawk vulhtute'n vawk damlo/ thi an neihin Local Council/Village Council hriatpuinain an enkawl/ phum tur a ni.

He thu chhuak (order) hian ni 28.3.2013 atanga thla 2 chhung a huam ang.

IN LUAH TUR DUH

Vanapa Section YMA Run chu tun thla atangin luah theih a ni a, a luah duh tur chuan TV. Hmingthansanga hnenah ₹ 10/- in a form a lam theih. Ni 9.4.2013 tlai dar 5 thleng dil theih a ni. Luah man ₹ 1500/- a ni.

**C. ROZAMA & SONS
STEEL & ALLUMINIUM TRADERS**

Deals in:

Stainless Steel, Steel & Aluminium
Chanmari Ramhlun Road, Aizawl
Oppt. LC Sofa

**VENG CHHUNG MITE
DUHSK BIK AN NI E.**

Ph. 0389 2342412 / 9436365889 /

986204619 / 9436159313.

Email : teteachhangte78@gmail.com

LUNGPHUN SAWMNA

Ni 12.4.2013 (Zirtawpni) hian kan pa Upa Lalbiaksanga, kum 2009 December ni 31-a chatuan ram min pansan ta hriatrengha lung phun kan tum a, zing lam dar 10 atanga Pathian faka zaikhawma tlai ruai min kilpui turin Chanmari West Khawtlang leh Kohhrana kan rawngbawlpui thin zawng zawngte kan sawm a, Sawmna Card hmu lo palhte pawhin hei hi sawmnaa min lo ngaihsak hram turin kan ngen a che u.

In khawngaihna dawng thintu
Dr. H Lalthangliana te chung,
Bungkawng Vengthar, Aizawl

BO ZAWNNA

Ni 1.4.2013 (Thawhtanni) dar 10:30-vel khan Pu Sapa Point-ah Gas Consumer Card (Biakkungi Gas Agency) ka tibo va, a karah hian ₹ 430 a awm bawk a. A lo hmu chuan khawngaihtaka min pe let leh turin ka ngen a che u.

Ramliaana, T-sect, Chanmari West.

INNEIH SAWMNA

Kan fapa, Pro. Pastor Lalhmunmawia Pachuau leh C.Lalremsangi (Aremi) C/o Upa Ralliantawna, Kolasib te Ni 11.4.2013 (ningani) chhun dar 12:00-a Chanmari West Presbyterian Kohhran Biak In-a an inneihna min hriatpui tur leh kan in lama mo lawmna hun min hmanpui turin Chanmari West veng mipuite kan sawm a che u.

In lama hunserh: Tlai dar 2:00

Hrangbuka leh Thanchhingi,
Chanmari West, Aizawl

**NEW HORIZON SCHOOL
OF EDUCATION****ADMISSION OPENED FOR
CLASS I-XII
FREE ADMISSION FOR CLASS-I**

School luh hun:

Class I-X (Hostel entry)
- 9th April 2013

Class tan hun - 10th April

Class XI & XII (Hostel entry)
- 15th April

Class tan hun - 16th April

Contact. (0389) 2346362,
9436141868

(3-3)